

四庫全書

集部

欽定四庫全書

集部

讀書齋偶存稿卷四

詳校官庶吉士臣汪彥博

助教臣常循覆勘

總校官進士臣朱鈐

校對官中書臣潘曾起

謄錄監生臣汪兆鯤

欽定四庫全書

讀書齋偶存稿卷四

禮部尚書銜葉方藹撰

亮工石公裕菴同坐花下

步履過從不厭賒  
暫時忘却在天涯  
聊攜清聖濁賢酒  
共對朝開暮落花  
最惜娟娟當曉日  
誰憐袞袞隔風沙  
豪門不少新移種  
庭院深沉錦幕遮

送魏中翰蒼石從

王師駐防山東余兄時任兗丞治河傳聞東土大旱未

章并託問訊

翩翩東征士萬馬如飛電注矢激流星被甲明秋練清  
晨超乘出嘖嘖都人嘆中有一儒生白服揮羽扇隘塗  
尤屬目之子允邦彥檄草陳琳羞記秦阮瑀羨詎止佐  
一籌實乃握全算長揖玉帳前抗古不肯卷能令介冑  
徒擴悍登時變黔黎樂衽席道路安乘傳始知尊俎功  
他人莫能先

戲外良匪易輯內誠亦難惟民實邦本本固邦乃安山  
東股肱郡天府資屏翰其地苟鞏奠三輔斯不單年來  
困杼柚男饑女號寒麥苗既罄盡桑棗復摧殘榛菅狐  
夜鳴晝探赤白丸中澤聲磔磔入耳盈悲酸古云十萬  
戶今但遺瘡癥赫斯我禁旅將士何桓桓須先衛良善  
豈徒詰暴奸吾

后有至意君其告登壇

萬國為陸海神京乃谿壑轉漕起東南遠輦向幽朔鱗

鱗千萬艘銜尾奉繩約僅資一線流國命此索鑰頃傳  
東土旱山林苦焚灼我圭雖已罄神聽終寂莫諸泉既  
云匱尺水行即涸十里方牽輓五里又淹泊軍興百所  
須仰賴在升合天庾稍乏空中外將安託仲氏老一丞  
白髮歎蕭索官小責反鉅仰屋中心忤知君軒車到負  
弩敢前却微聞訂交早班荆定如昨叙舊借尊酒開顏  
一嗚噓君其念故人前箸指方略上藉培主計下用藉  
民瘼因風報京國免我遠懷惡

消息

消息傳難定，愁心不自聊。  
養癰多事日，緘口敢言朝。  
天實滋螫螫人，誰產獍梟。  
茫茫一舒眼，氛祲幾時銷。

喜元著侍御出獄

金雞早下放，孤臣頃刻歡。  
呼動縉紳九死，何曾忘

聖主重生真喜答，哀親偶談冠禍鬚。  
猶磔為痛時艱哭，愈頻好語淮南莫。  
無忌漢庭汲黯尚全身。

得李信宜書

惠不在天上出門行即到數君赴官日兩年隔窮徼常  
恐困遷謫未能悟靜躁尺書來何方讀罷喜顛倒既知  
眠食安復稔政事妙陶潛工種秫孫寶解祀竈山縣勿

嫌早前行十夫導課耕度晴岡禱雨臨幽窖

縣龍山上  
有風雨二

審歲早禱  
之輒應

猺謔雜獐舞殊助開顏笑長安車馬路十步

几險峭不見永年生

元著  
侍御

銀鎗向天叫千金書牘背獄

吏尤伉暴芋魁苟充腹無肉安足道

詠唐史二首



軋犖山前暗禱神  
唐家河朔合烽塵  
上皇蜀道空流涕  
今日方思先見人

半夜軍中撼帳竿  
逆腸流出血滂滂  
滿朝公相持杯賀  
河北都忘史宰干

悶極對酒戲成此篇

人生恰似蟻附磨  
蟻欲右旋磨向左  
萬事紛糾難預料  
百憂鬱結空如鎖  
絲從染後任白黑  
粟入臼中隨揚簸  
我身自媿非至人  
焉能無可無不可  
却思此際真難遣

安得濁醪澆磊砢忽聞麴車道上馳兩頰流涎口先哆  
呼童急挈鷓夷沽新甕盛來玉光瑳中聖中賢亦偶然  
相逢且莫論某軻初傾一醖顏色醺再傾一醖冠幘墮  
興到何妨狗竇窺狂來直上木杪坐門外風波百不知  
邨懼歌帆與側柁

捶鐵

捶鐵作吳鉤空思繞指柔廣場聊袖手曲徑少低頭  
燙羨登牀馬還憐入廟牛人生悟倚伏亦可減餘愁

萬柳堂即事

亞夫營畔知多少陶令門前信有無  
似平泉今日好春風舞遍萬千株

欲構凌雲百尺臺須求巖壑不凡材  
君看婀娜千條色好與行人繫馬來

樹人樹木理相同此世終思軟美工  
澗底貞松鬱千尺為經霜雪更菁蔥

短髮

蕭蕭短髮不盈巾，猶逐諸賢馬足塵。  
半世已成莊叟木，一官長作漢家薪。  
思枯筆秃排千管，臂弱弓彎罷六鈞。  
祇有憂天心未泯，才教開口又防嗔。

大雪口號三絕句

官舍蕭寒剝啄無，朔風撼戶似驚呼。  
日高厨冷炊煙斷，天為粧成卧雪圖。

破絮蒙頭凍不支，中宵憂

國睡來遲比鄰，鵝鴨聲喧鬧夢裏。  
三更入蔡時

三寸毛錐百戰餘長槍大劍比何如  
平滇露布新裁就  
看鼻橫磨手自書

邦關旅次酬雪洲

以我悠悠者憐君落落神  
茲遊欣接袂把卷忽沾巾  
此事推袁久何人說項頻  
江湖相對意休恨二毛新

旅舍對月

皎皎侵窻隙盈盈出水孺  
慣欺孤客枕偏照別離筵  
露濯應增潔烟霏更益妍  
祇憐謝希逸紆軫向誰宣

邦上同周大西編修王雪洲給諫夜坐時大西雪  
洲各有所適予亦將還吳門

楚客三年別吳飲一夕同峽雲虛旦暮溝水忽西東杯  
度深更雨燈殘靜夜風有懷俱不寐非是為飄蓬

齷齪人誰笑營營俗共稱祗應悲晚晚莫更羨飛騰往  
事真騎虎今身得縱鷹賈生兩行泪無路灑橋陵

與雪洲飲酒作

王郎手持金巨羅長鯨一吸無洪波葉生攢眉對醺醪

卻看卮酒如鴆毒，王郎大笑絕冠纓。  
髭髯拂醜俱有聲，舊日交遊久零落。  
眼中之人惟麴生，自古賢聖嗜此物。  
君今不飲名真缺，唐堯千鐘孔百觚。  
淳于一石季十榼，頭上須留陶令巾。  
腰間常荷劉伶鍤，撥悶端如雨洗塵。  
澆愁還似湯驅雪，醉鄉何賢愚憧憧。  
來往無巧拙，醉鄉何昏旦，溟溟長夜無。  
日月盜跖何濁，伯夷何潔，鸞鳥何祥。  
鴟鴞何孽，陶然付混沌，萬輪齊一轍。  
葉生掉頭不肯休，誰能解釋心煩憂。  
哺糟啜醪矜達節，嗟予自媿非其

傳君不見汝鄉屈大夫行吟顛顛湘江頭便令雲夢變  
春酒更教大別成糟丘詹尹引觴漁父勸借問此子肯  
醉不

僧院見壞翅鶴為賦八韻

癯骨相憐久摧頽此不禁塵泥應有恨霄漢竟無心白  
雪翎常短丹砂頂滂深舞餘兩垂手曝障一邊陰衛國  
軒何在吳都市莫尋晚棲烏共占曉食鷺先侵猶許依  
孤錫留教伴破琴寥寥九臯上幾日更聞音



過築夫王先生館留飲時傷伯鸞之逝

耆英零落似晨星猶喜今朝見典刑老子在周須問禮  
伏生歸漢尚傳經可緣愛客親烹雁每為開編自聚螢  
天許生人留正始斯文肯便付沉冥

題錫山秦對巖檢討園亭二首

淮海風流客幽巖此卜居清秋作賦裏白日卷簾餘神  
女貽班管山靈授素書已忘東壁下宛挂一銀魚

曲曲皆依水層層盡作巒風塵徒自窄雲壑喜常寬草

暖葺麕徑花深鬪鴨闌可容薜衣子暫此聽鳴湍

得二兄黔中書二首

千金片紙半年程  
泪濕絨題字滅明  
第一書中難忘處  
對牀風雨五更聲

苦竹岡頭望故鄉  
千峯萬嶺路茫茫  
如何割得愁腸斷  
枉說山尖似劍鋌

庭桂方開遇雨不止

桂樹幽巖下開時  
近小樓那堪一夜  
雨禁斷滿園秋細

葢和香落繁條帶恨休自憐愁萬種更欲替花愁

偶吟

蟬吟木葉亂山隈獸對殘陽白髮催著短衣隨射虎去  
携長竿待釣鼇來倦時捧腹便便筭醉裏張頤滿滿杯  
顧影掀髯還自笑祇應我與爾徘徊

商君

商君立法古無倫誰道興秦是滅秦看到車前分裂日  
咸陽市上笑千人

秋夜

眼看秋盡此江濱  
客自淒清酒自醺  
歌枕夢迴鐘窈窕  
窺梁影墮月紛紛  
豹棲巖底終嫌霧  
鶴宿松顛更礙雲  
誰念多生顛顛質  
年年行跡在人羣

吳定遠畫虎歌

吳侯示我猛虎圖  
邀我為賦猛虎歌  
市朝陵谷久遷變  
世間恠事何其多  
昔聞猛虎負嵎惡  
山中無人採藜藿  
今來猛虎恚化人  
著朱騎馬據要津  
真虎食人猶可避

人虎食人那敢拒天符赫赫手自將驅使杜公如驅羊  
人肝作炙血作酪千夫未充一饌樂太山婦人哭聲悲  
朝食其夫暮食兒黃公赤刀俵鬼竊可憐失勢翻遭狎  
吳侯吳侯請君貌虎母貌形冠裳之徒比虎還狰獍鳴  
呼吾生不辰眼中日對汝名汝為虎虎亦耻

贈一公

北窓鎮日坐騰騰自把閒身閱廢興顧我全拋黃綬客  
愛君不著紫衣僧秋林汲罷沾雙屐夜雨吟殘靜一燈

十載名心刊落盡不須更為說三乘

霜葉

亦知春去久刺眼亂紅迷樹樹開能徧村村列正齊乍  
疑金谷路忽訝武陵溪錦暗千重障丹明百丈梯樓偏  
憐翡翠舞只許山鷄有恨過桃井無言勝李蹊烘霞長  
似醉染露恰成啼用盡妍華力看來抵一淒

贈侯生大年

冰玉詩篇句絕倫相逢真對上清人風前已捉驅蠅塵

雨後仍誇墊角巾，無奈銷魂當白晝。  
誰憐擁鼻過青春，自慙不是山公比。  
欲望嵇生早致身。

詠西隱寺古松寄陸處士天浥

萬草俱涼露開門，揖古松端如君子。  
節不羨大夫封，蘿蒿寧能附烟霄。  
喜見容翮翹疑下鳳，拏攫忽成龍白鶴。  
棲來跡青牛化去蹤，畫驚霜颯颯晴恠雨。  
淙淙突兀無妨傲，支離欲任慵。  
葛洪祠畔覩韋偃，畫中逢竹老猶輸。  
勁蘭衰自讓茸，惟應遲幽客寒月共聽鐘。

一夜

一夜秋風徧草堂空塔涼月迴如霜水禽噪客喧蘭渚  
山鬼窺人傍荔墻漫興詩成閒處詠絕交書在篋中藏  
禍衡短折嵇康死始信時危不易狂

南榮

破絮罷朝眠南榮兀坐偏不知愁有力翻恨酒無權日  
愛趙衰暖風憂張旭顛還憐曝背樂難得獻君前

有感



始信天難問誰言照便迴單車孤使去一篋謗書來  
締繡真犧累青黃是水災巫咸何處叫還望帝闔開

山中招吳明府飲酒

青山如故人別久情愈好投館未停驂一笑先傾倒  
故人狎主此青山年年為政心長閒胷中自具丘壑古  
衣上時露烟霞斑憐我愛山癖置驛常近青山側手携  
陶令巾腳踏謝公屐巘頭紫翠落紛紛朝來暮去唯行  
雲林間獨宦引幽步塔下流泉洗俗聞十千沽得吳市酒

玉壺朱繩繫雙肘折簡殷勤問故人肯來共酌青山不  
白衣蒼狗時時新桑田三變底須論相逢不改生平意  
只有青山與故人

鄒黎眉令子

片玉是肌膚天成骨相殊已能諳調笑詎僅識之無容  
喜爭摩頂親憐任挽鬚看君時抱出何似鳳將雛

託九江守江侯問彭澤令李君消息

寄語潯陽宰風流挹妙才遙知書到日定值鞠花開邑

小稀停牘官貧罷舉杯  
江州使君在應遣白衣來

聞學士張蕢山先生去官二首

北使新傳信西江  
又上書事危同折檻  
情急類牽裾  
葵藿終須罄  
雷霆尚虛玉堦立  
仗馬相顧道何如

十載登朝夢扁舟去國程

主恩誠浩蕩  
臣罪自分明  
肯負論思職  
羞高諫諍名  
知君戀闕意  
耿耿寸丹清

十月二日作

金五十一卷四  
一  
卷四  
簇蝶金泥罷舞裙帳中殘夢盡  
氤氳可知半面剛留卻  
猶勝他時覓少君

河上

楚魂湘血兩悠悠離恨從來怕  
遇秋腸斷今朝河上路  
他年忍為再迴眸

無題

一寸萬愁侵危腸九曲深銷魂  
惟有別擁鼻不成吟枕  
上明傳恨尊前暗損心何曾通  
嫵婉只是費思尋第一

花難種初三月易沉已知虛却扇猶自惜遺簪鳴咽村  
邊遂淒涼屋下砧東厨步兵淚痛灑定誰禁

按圖

按圖何處索驂駟惆悵空羣一顧休珍重昭王求駿意  
年年馬骨長如丘

嵇留山抱犢圖

二美人  
侍側

經年抱犢意如何消得佳人一盼多應笑當時窮窶戚  
有誰相和飯牛歌

吳使君席上遇宣城沈生長歌

敬亭才子何絕竒長髯飄灑青雲姿開襟恍疑握冰雪  
搖筆便欲奔蛟螭延陵使君今大雅傾身接士心彌下  
道旁頻見駐旌旄市上時聞停駟馬神物會合豈偶然  
嘉賓賢主人爭傳恰如碧眼兒忽覩珍珠船又如驂騑  
駮耳逢伯樂追風逐電相後先三釁復三沐禮數踰常  
賢塔下親結王生襪衆中獨贈繞朝鞭賤子迷方適至  
此往往躡屐屐叅華筵見之感歎生慕悅令我胸中碗

抑塞登時捐天下幾人未聳聳風塵碌碌徒相苦犧牛  
常自被文繡爰居公然饗鐘鼓一人知己死不恨紛紛  
輕薄那足數乞米肯向陶胡奴求食須從謝仁祖丈夫  
致身會有時不用蕭條色如土杜陵廣廈千萬間但願  
使君永作寒士主君不見東京甲第高刺天五侯七貴  
門喧闐三千珠履士過眼成荒烟又不見石家金谷夜  
宴客車行醴酒馬行炙昔時歌舞地今朝狐兔迹手中  
盡我金屈卮令名不朽君須知古來惟有留賓驛人人

只說鄭當時

冬夜過汪大閑話時予將入都

荷衣脫卻換朝紳再向東華趨軟塵敢道身真違鹿豕  
可緣形要上麒麟鬚眉尚在終嫌我項領無成合讓人  
不信孤懷常脈脈相逢未好共君論

江湖廊廟總漫漫出便難時處更難捱手覆萋萋寧自取  
轉喉觸諱太無端未知血向何方灑暫覺心從此際安  
猶有無聊堪耐藉期君為我一彈冠



題馬相士英畫蘭卷子

蕭蘭同畫復何言  
卷裏春光似故園  
想得當年含墨意  
如何不怕礙當門

寄彭十進士

憶得金昌別蹉跎  
復幾年懷君長落拓  
媿我屢遭遭  
寂寂供人笑  
悵悵暗自憐  
風塵頻撲面  
霜雪漸侵顛  
櫪馬思千里  
鞴鷹盼九天  
未能忘小草  
還望涉前川  
恍憶王陽綬  
殷勤祖逖鞭  
相期終一出  
休辦買山錢

錫山雪夜飲對巖舍

雪花片片大于席庭下碎瓊踐一尺主人投轄客忘還  
明燈促坐重閉關清酒三升面汰若狐裘雖暖不堪著  
北風吹雪入簾來堂中庭下共醴醴對雪還思何處好  
門前便是九龍道主人清羸絕世顏四坐朗如行玉山  
九龍岬嶸攀難及未若主人近可即千巖萬壑曾懷間  
隨人領取心更閒東方漸高柝聲急烏頭盡白啼不得  
客愛主人進一杯殷勤莫放玉山頽

題昭陽李季子詩卷

寒燈照雨夜窗幽  
橫吹纔聽淚已流  
彷彿餘音詩卷裏  
憐君比我更多愁

絕句

初見江草綠復驚江花紅  
自憐惘惘意怎底對春風

枕上聞鳥鳴

林鳥才一轉羈懷已萬端  
不辭言語拙真恨羽毛單  
出谷勢方遠遷喬路更難  
春風來枕上祇是助沈瀾

河上

莽莽河聲不斷愁拍天驚浪共雲浮幾時來告兩黃鵠  
終日忘機雙白鷗使者徵求徒躍馬靈巫歌舞只沈牛  
憑誰為語波臣道宵旰須寬

聖主憂

途中晚發

風急雨瀟瀟行人晚渡橋野花濃淡色官柳短長條板  
處方離別開時正閨寥誰教背鄉邑錯恨馬啼遙

清明

暖風芳草盡傷情  
客裏昏昏不記程  
林外賣餠剛喚過  
忽驚今日是清明

客中見新月

馬頭新月正纖纖  
作意隨人到短檐  
長有清光流肺腑  
不知霜影入髭髯  
最憐迢遞頻移席  
為愛分明數卷簾  
靈藥搗成應乞我  
免教愁病一身兼

途次遇房慎菴候考吏部入都

梁公好孫子獻賦舊同遊判袂當京雒班荆喜道周郎  
官應星象啟事更風流早待銓人物提衡遍九州

偶成

極目驚沙卷斷蓬散裘羸馬夕陽中劇憐喪狗形相似  
妄擬猶龍氣不同少日幾曾嗤鄧禹晚來祇自笑揚雄  
九衢咫尺非容易蹀躞何當見此翁

村舍梨花

承露玉盤新生成絕點塵真嫌脂粉澆不許蝶蜂親投

宿疑鮫館通名是壁人卻憐荒徑裏占斷十分春

晚望

暮雲深樹帶遙津斜日平沙少去人惟有多情河畔草  
青青一道護雕輪

旅舍燈

微燄消欲盡餘光寒尚熒不甘為燼滅強欲向人明幽  
稱僮酣睡昏驕鼠鬪爭羈愁正無賴默坐數殘更

題沈侍講應制詩

月眉雲髻衆爭誇一縷先封繫臂紗多少秋宵眠不穩  
竹枝插戶待羊車

予與秦中李大令此瞻相慕甚久尚未識面旅中  
忽蒙枉顧值其初罷官感賦此詩

鼓罷焦桐歎絕倫相逢都惜變餘身多時把卷親佳句  
忽地通名似故人萬累未除那免恨一官雖去尚留貧  
釣璜夢卜尋常事聞道君家渭水濱

此瞻偶為武人所詈戲東一絕



灞陵夜獵罷亭尉醉呵聞幾時北平守重拜李將軍

同此瞻聽琵琶伎三首

共聽旗亭一夕歌關山迢遞奈愁何  
可堪處處浮雲在魯道難於蜀道多

聲聲怨似扣哀玉片片清如擊斷冰  
座上豈無白司馬尊前自對鄭中丞

知君世本謫仙家斗酒千篇樂事奢  
閒煞清平三調手却來村舍賞凡花

歷下贈德州盧進士

予兄所  
取士

前年獻賦動京華到處人驚手八叉  
盡道崔盧真舊望不知孔李是道家  
新鶯乍囀明湖柳驕馬曾嘶上苑花  
自媿周南留滯客逢君青眼倍咨嗟

題齋壁

荒堦十月尚鳴蛩老樹無枝宿鳥空  
未晤前賢真樂處簞瓢風味宛然同

紫陌詩東曰緝侍御

紫陌風吹撲面烟朝來昏去只駢闌便教白日有沉處  
爭奈紅塵無盡年得路馬皆矜駿裏隔簾花更鬪嬋娟  
何如一叩梁居士半夜心清繡佛前

曹騰

醉便曹騰醒便哀思量無計絕嫌猜千條盡燭難爭月  
百樹竒花不當媒倚柱立多頻悵望遠廊吟徧只徘徊  
瑤池宴罷須史事一瞬終看八駿迴

贈琴客陳生生嘗從張御史渡海使琉球

一曲南風始奏薰碧空飛盡海山雲莫言古調無人賞  
猶有魚龍會識君

寂寂

寂寂空庭淺淺齋愛閒最喜是無才蒼苔舊為尋詩破  
素醞新因撥悶開蹀躞馬看隔巷去悠揚蛭怕過牆來  
羸童擁絮呼慵起不信春光到卻迴

吾廬

浩蕩東風寄此身吾廬雖破足相親月如遠客歸常夜

花當離人見，隔春誰信。東方官是隱，應知原憲病。綠貧  
此生爭不甘，淪落未解何門去。掃塵。

黯黯

黯黯輕寒減，復增半牀明月。一簾燈睡難穩，似懷春女  
坐易枯。如結夏僧雨，細尚能淹楚簾。風踈渾欲透，吳綾  
明朝怕向城西過。愁對峨峨數仞水。

偶見

公子垂鞭出禁城，翩翩珠勒映花明。金丸脫手知無數。

莫為烏鴉彈惡聲

送薛大武給事罷官歸里

無嗟壯歲早抽簪去國休為澤畔吟  
當寧愛才還側席故交惜別更沾襟  
塔前白馬行空意臂上青骹竦漢心  
隱躍眉端黃色露看君那肯老長林

咸池

想像咸池出浴遲扶桑隱隱最高枝  
無人為喚陽烏睡萬國中天待照時

重到院中作

玉堂鈴索響丁東，禁籞深沉有路通。  
春色未須悲晚，花光猶自愛蔥龍。  
坡前視草鸞俱集，池上吟詩鳳不空。  
肯笑一枝棲處少，幾多梧竹月明中。

舊遊

犀押湘簾拂地長，舊曾遊處撲衣霜。  
淒涼漢室黃金屋，惆悵盧家白玉堂。  
蘭為作膏終化燼，桂緣經蠹枉留芳。  
一雙紫燕尋巢入，只認當時玳瑁梁。

院中花

灼灼粉闌曉輝輝青瑣晨自矜曾笑日不肯更撩人  
蝶舞看無數鶯啼恨太頻誰知禁苑裏亦有寂寥春

出城望西山遇雨却返

萬重雲霧暗嚴闕紫翠蒼茫莫攀會待長風俱掃盡  
家家開戶有西山

雲梯

鶴困深林玉貯泥強將病眼望雲梯誰能寂寂心無悶



長悵悠悠運不齊魯國豈知容海鳥秦臺枉自駭山鷄  
多情紅蠟相憐惜只向春宵淚似啼

題苔文紫藤架三首

紅塵日日馬蹄生踏遍天街不記名只有君家容易認  
紫藤花底讀書聲

幸與高賢相近栽芳菲柳肯鬪春開除君共我憑闌望  
更有何人解看來

輕紅澹紫自然粧拂檻拖簷錦幕張却惱楊花太無賴

異香深處獨顛狂

過安邱公故第

陰陰古巷晝長幽 一度經過滿目愁  
謝傅園基無別墅

庾公明月有高樓

公在日有言其第宅踰制者  
勅使按驗惟小樓數楹

馬嘶徑

熟行頻駐燕蹴簾空去不留  
獨抱鮪生兩行淚感恩兼  
為感時流

胡給事宅邊聞蟬

一樹金風動晚烟  
苦吟狂噪夕陽前  
早知徒聒愁人耳

爭似寒宵抱葉眠

題吳君聞夏詩卷三首

楓落吳江句乍成  
崔卽五字擅時名  
看君袞袞千篇在  
好遣前賢避後生

官舍秋風歎二毛  
感君詩句慰蕭騷  
抽毫欲報還搔首

始信陽春調最高

集中有贈予二詩

一卧窮荒歲月多  
君家難弟恨如何  
新詩一變當年體

和盡陰山勅勒歌

君家漢槎予同年生久謫塞外嘗於友人處見其所寄詩叙述彼中景狀

悲慘動人君集  
中亦有寄弟詩

中秋夜對月獨坐三首

乍雨却成別

是早微雨

忽晴如有期人誇方滿際吾惜漸虧

時消息誰相待升沉自不知此中能會得何用問庖犧  
遠霧參差卷明河淺淡流清光能皎皎孤客共悠悠  
砌吟蟲雜甲枝宿鳥幽寂喧隨物感吾意總無留

楚蜀方添戍江閩未息兵

國憂今日急民命此時輕短杵傳鄰怨長謠識旅情殷

勤中夜月好焰鐵衣明

乙巳除夕前一日邀吳處士小飲時予自都下歸  
抵家六日矣

窗拂蟲絲逕翦萊為君解榻暫徘徊無多景已除將盡  
有幾人能暇即來碧裊香抽雙穗出紅催燭報一花開  
相逢莫漫嗟窮老差勝天涯濁酒杯

處士向同  
客都下

丙午元旦和吳處士

身世無勞喚奈何宦情鄉思兩蹉跎酒中千日祇嫌少

鬢上一星猶惟多標格未妨梅冷淡風懷猶怯柳婆娑  
何人能解陽春意怪爾輕為白雪歌

人日

新年春色暖融融人日晴光更不同水向野塘猶自綠  
花非繡幕亦能紅聽鶯樹下霑初雨試馬堤邊畏晚風  
若比道衡鄉思苦還家已是二年中

得二兄貴陽除目

十年初見一官成誰料翻為萬里行塞馬亦知難預計

原鶴無奈獨關情  
楚中童叟瞻冠蓋  
黔口山川記姓名  
我乍迴車君叱馭  
相期忠孝是家聲

梅花

千林靄靄淡斜暉  
獨凭闌干露濕衣  
但愛笛聲清似水  
不知片片玉鱗飛

偶成

婷婷袅袅十三春  
撩鬢當筵色色新  
莫為千金輕一笑  
枉將下蔡望時人

過山莊荅鄰人問

幾年蹤跡厭蹄轅  
倦翮新思返故園  
適興已無款段馬  
消愁還有雀羅門  
窻前鳳餒桐生子  
堦下龍吟竹長孫  
二頃甘禾桑百本  
與君事業在山村

村舍見紅紫葵花開特可愛

挿棘編荆茆舍清  
此中誰儼見傾城  
紫絲作障遮空暗  
紅錦裁衣曳地明  
惆悵忽從攀處得  
淒涼多為別時生  
不須更結繁華夢  
野蠓山蜂自有情



得汪大都中書訊予近况賦此代荅末章蕪懷王

十一兄弟

層疊離懷黯自知  
劇于茹檠亂于絲  
夢中屢逐追歡地  
醉裏頻吟贈別詩  
怕按危絃腸易斷  
懶拈清鏡鬢先悲  
黃金若使真堪採  
不鑄君來更鑄誰

岐路西東舉足生  
故鄉翻似異鄉行  
石碑銜口誰能語  
碁局中心自不平  
虛為花殷憐宿雨  
每因月好厭春晴  
淳于善笑唐衢哭  
未敵長吟半句情

浮雲掩靄日車藏東望扶桑萬里長  
蜃自蔽空難作屋虹雖架遠不成梁  
移山欲笑愚公拙填海終悲帝女狂  
爭敢遽誇身事了一竿烟水便相忘

陸家兄弟本竒才入洛聯翩翹翅迴  
空有心常依禁闥可憐泣盡化瓊瑰  
二王皆以卽斥泥埋騏驥終教瘦雪壓芝蘭  
不放開曾忝交知稱夙昔暮雲春樹  
更餘哀

讀亡友朱生遺詩

文心雄骨兩成塵黃土生埋玉樹春  
一代尚無容跡處

九泉那有愛才人  
珠沉斷浦光終露  
劍沒深淵氣自新  
比似山陽聞遽淚  
今宵卷裏更沾巾

贈張秀才十二韻

楚楚張公子  
清新千首詩  
才堪題柱日  
年正棄繻時  
盡愛成風筆  
爭誇倒峽辭  
連章珠作貫  
單句玉無緇  
比射

穿如札為鋒  
銳若錐王髯  
應結舌汪瘦  
定低眉

予嘗稱海內詞

客二人汪琬茗文  
王士禎貼上也  
謬許將蠱測  
多慙類管窺  
枕中行擅

秘席上屢稱竒  
欲和還搔首  
纔吟便解頤  
時名甘避汝

古調會矜誰李泌推仙骨楊修是小兒投桃真恨拙報  
玖莫教遲

方塘

方塘如鏡月如弦綺陌風光只似前草暖庾郎盤馬地  
絮飛謝女詠詩天重尋好事疑經夢更盼佳期恍遇仙  
待與何人共攜手隔花羞見蜨翩翩

一炷

一炷心香半夜鐘落花時節感相逢未知別後情何限

但覺春來恨便濃  
官閣鶻曾欺彩鳳  
洞房犬亦號烏龍  
塵間真偽誠難辨  
弱水仙山隔萬重

春日

柳短間莎長  
春風觸處狂  
蜨飛遺剩粉  
鶯過欠新簧  
銀榼頻傾酒  
金鑪滿爇香  
可容窮阮籍  
一慟綺羅旁

二十二夜月

四更三點萬方眠  
起步清光思悄然  
捉取妖墓付靈藥  
不教破鏡上青天

柳

裊雨拖烟萬萬絲  
秋來顛顛不勝悲  
何人曾到靈和殿  
記得君王手種時

雪洲給諫夜過

奎光東壁黯神傷  
閒夜相携酒數觴  
鳳脰照殘人寂寂  
魚腸看罷月蒼蒼  
羅衫浥醜痕常溼  
粉紙沾煤麝更香  
共話滄桑十年事  
一聲觸撥淚千行

偶成

不識平陽宅今看拂面花春風是何物只許在君家

董孝廉蒼水入都詩以訊之

青衫破帽老騎驢尚有狂吟癖未除入市搖頭誰識汝  
逢人擁鼻只愁予囊中留得一錢不篋底羸將萬卷餘  
聖主若求詞賦客雄文今日似相如

送劉教諭之唐山故相安邱公長子

一經且莫歎蹉跎韋相傳家事若向每念恩苑同戴嶽  
忽驚歲月似流波自從東閣丘虛後時過西州慟哭多

白首門生憐尚在郎君今日又鳴珂

送錢孝廉南歸謁其座主慕方伯

獻策歸辭

帝里游送君仍復上扁舟屠龍有術身空賤相馬無經  
世自羞踈雨過城槐葉暮夕陽連樹早蟬秋還聞博物  
司空在拂拭光芒動斗牛

東城行

東城上酒一尊東城下冢三尺分明記得冢中人舊是



東城飲酒客替日高臺貯歌舞今朝廢院牽荆棘繁華  
俄逐東逝水歡娛難駐西飛日登丘一長望惟見草間  
狐兔縱橫迹欲彈雍門琴悲風轉蕭瑟世無孟嘗君誰  
能聽之生於邑君不見千人萬人邪許聲東城又報新  
第成

遊俠篇

君不見道旁遊俠客衣冠結束何濟楚十千斛酒共歡  
樂下馬握手吐肺腑腰間短鉤冷血腥借身報仇不知

數黃金牀頭飛電光滿堂顏色焦如土吁嗟乎夷門軹  
里何人斯千載之上亦可疑

題錢宮聲畫蘭扇

只此數莖色離離幽意繁宛傳騷客怨疑共美人言未  
必求充佩猶應畏礙門羨君懷袖裏吹氣不勝溫

江上偶成

欸欸風傳澹澹鐘低空暝色暗千重欲將何物銷塵念  
每為芳時損病容江外餘霞憐謝朓柳邊新月想王恭

華陽書信今宵到憶得前身住此峰

寄二兄萊蕪二首

見面常虛歲開械動隔旬誰憐彊項吏猶作折腰人薄  
祿仍懷寶清時且積薪朝朝挂手板岱色足相親

弱弟煩且念狂奴態未除祇緣甘失馬詎敢學鱖魚詩  
壘頻分閩糟丘屢卜居翻思對牀夜風雨閉空廬

贈慕霍鳴方伯慕嘗使海外受島帥降

早聞儒術振關西閩海還看靖鼓鞶島上降王捧馬足

道旁垂白卧車泥共推雅操南金並真仰高名北斗齊  
今日屬公分陝事可教江左慰殘黎

燕

翩翩雙燕子相別隔年賒去日秋千里來時春萬家新  
泥坊底葉舊壘屋檐花欲問烏衣事前朝日未斜

寄阮亭淮上二首

長淮濁浪晝喧虺如水門清日日開獨撫素琴堂吏散  
自烹新茗埜僧來啣杯便合無公事作賦應驚有異才

待寄相思與明月高樓頻上影徘徊

短髮蕭騷卧澗阿非才爭敢怨蹉跎蘭生幽谷淒涼慣  
木老深山擁腫多漫倩青蠅為設弔空勞間雀與張羅  
涉江祇道風波惡欲采芙蓉奈遠何

過呼先生郊居

先生竟白首日日坐空林鉏菜英雄事灌園高士心  
魚跳蓮葉外蟲響豈花陰客散將歸去時聞梁甫吟

偶見

百尺樓臺上蠹天千人畚鍤不論錢勸君棘艾休芟盡  
狐兔他時欲穩眠

清江旅次

信美猶吾土登樓百感生雕龍還自笑畫虎竟誰成易  
下春風淚難平夜雨情故居連上苑喬木正遷鶯

將登陸寄書二麓旅館戲題其壁

讀書易為感廢卷復愀然曠腹驕時輩懸頭哂管賢縱  
橫點鬼簿雜沓祭魚篇尚可千甌覆休教便棄捐

過阮亭署值其卧疾

小院春風散鬱陶  
簾前草色妬青袍  
知君正抱安仁恨  
三十休教有二毛

河上早發

喔喔荒雞旅夢迴  
驛門纔啓馬啼催  
道旁曾見裂繻出  
候吏還疑投筆來  
西望長庚光勝月  
東奔河水疾過雷  
青禽一去無消息  
鳩鳥如何好作媒

萊蕪家兄署

青山匝縣城澗水比人清徑僻稀郵跡官貧稱邑名村  
童呼犢起瘤女報蠶成塵甑前賢事休令獨擅聲

贈靜海令同年衛侯衛先為保定推官

故人昔佐郡三輔已馳名疲邑今為宰期年政又成胡  
威匹絹美劉寵一錢清試聽與人頌知君更足榮

役久

役久已忘瘁登臨忽自傷客情魯酒薄鄉思越吟長望  
盡遊元氣愁來塞大荒帝車高指處應記是中央



小遊仙詩十二首

員嶠松仁大若壺携將日觀賭擣菹偶拋數粒沉峰脚  
不道曾封五大夫

滄瀛清淺未揚塵此日麻姑又問津寄語蔡經灑掃待  
方平相過欲烹麟

玄洲四序只如春王子茅君作比鄰來往不須爭禮數  
櫻桃花下著綸巾

傳道西王下碧虛摠衣趨侍五雲車真言不敢教人捧

肩佩盤囊貯玉書

自信成眞自未憑  
嘿朝常灼九枝燈  
乘風使者遙相賀  
仙榜題名葉靜能

天半剛風特地吹  
塵軀憑仗得相隨  
青鸞未慣人間事  
卻恠兒童不解騎

度索蟠桃得種來  
玉田金劔手親栽  
三十年後身猶在  
看取紅花一樹開

雷府煩勞不易為  
清班惟有八霞司  
頑仙也愛文章事

把卷同吟丈丈詩

上清無事不成忙  
河伯相邀賭桂漿  
贏得先生開口笑  
人間已是電飛光

紫雲穿處日初斜  
上士飛軒降碧霞  
乞與安期一枚棗  
看來只道玉園瓜

上真相喚共閒游  
風霧為波偃月舟  
善現城中才一日  
人間千歲事悠悠

一簇笙歌出海雲  
夜深同宴小茅君  
先生醉後揮狂草

墨汙星娥紫電裙

吳郎歌贈虞升秀才

吳郎白面紅頰，顧風姿奕奕。人中仙，蕭條僅有馬卿壁。  
寂莫祇守揚雄，玄鄉里兒童好項領。紛紛得路爭先騁。  
吳郎三十猶麻衣，獨抱殘經弔孤影。側聞使者選才賢，  
喧傳吳郎早著鞭。叉手萬言應時畢，衆目一葉當先穿。  
男兒有身誰不羨，要令千人萬人見。橐筆須登白玉堂，  
振衣應入金華殿。上林二月花參差，馬蹏蹠躩香風吹。

搖鞭躍馬看花去始是吳郎得意時

山行

春濃如酒水如油乘興東風上釣舟壯志已消還擊楫  
孤懷無奈更登樓柳條愛客舒青眼梅蕊禁人弄白頭  
早被山靈暗相笑年年心事遠沙鷗

題葛處士庭中綠萼梅

短竹疎籬處士家閒門深閉日初斜  
凡花看盡無顏色應為仙人萼綠華

梅花

標格非不好，孤高難共親。  
傷離長在眼，贈遠與何人。  
照水唯憐影，含風只弄顰。  
窺牆寧有意，宋玉枉傷神。

舟中雨

倚篷獨對冥冥雨，卷箔時聞翦翦風。  
坐似維摩方丈裏，人如陶峴畫圖中。  
掠波水鳥一雙白，照岼林花無數紅。  
歌罷滄浪還自哂，塵纓欲濯與誰同。

酬錢叟贈別二首

識君名姓廿年前此日相逢雪滿顛入市吹簾心尚在  
當筵過鼓態依然唯應酒到常開口但合詩成自聳肩  
枉說長安半知己幾人為辦買山錢

栖鴉門巷冷如水剝啄隨人喚不鷹膾有數編堪永日  
還懸一榻待高朋違時祇恨鬚眉在憂

國頻教涕泪增更擬期君定何處吳山越水一枝藤

同魏侍郎環溪先生寄李學士厚菴二首

李時奉  
諱家居

疾風勁草共稱難真信喬松耐歲寒此日敢云臣節盡

千秋惟覺已心安  
人間大有當為事  
天下從今著眼看  
自古盛名非易副  
期君努力答彈冠  
屈指征軺盼望頻  
音書忽到淚痕新

帝方需爾為良弼  
天忍教君作鮮民  
讀罷琴瑟我應有恨  
聽殘風木轉傷神  
顯親他日無窮在  
聊復裁詩慰故人

附錄魏象樞作

閩海由來禮義鄉  
妖氛忽爾報猖狂  
奴顏婢膝真無賴  
大節孤忠倍有光  
問道蠟書臣分在中朝  
綸綍



聖恩彰平生學道今方用自愧哀庸老侍郎

心戀

形廷出戶難

至尊久已鑒忠肝綢繆鄉土休遺策保護家門莫苟安  
忽抱椿庭千古恨可憐苦塊一身單生芻欲寄關河  
阻靜夜題詩月色寒

憶故山東說巖先生

家傍東吳鱗設諸思歸日夜未曾除夢題笠澤波間寺

心憶靈威洞裏書後樂先憂公正在昨非今是我還知  
終期一奏

重瞳聽乞取江湖養拙踈

附錄陳廷敬和作

傳柑時節見桃諸物候鄉思未破除自愛松風引景  
夢已多經笥鄴侯書某丘某水今無恙公望公才世  
得如欲解朝簪先讓我青春雙鬢又蕭疎

立春日疊前韻東說巖先生

九十春光信有諸六分取次一分除

唐人云六分春色向人流今歲以正

月十二日立春則六分已去一分矣

客來厭聽新生事老去愁逢未讀書

過鼓燒燈誠欠此焚香掃地亦悠如西園桃李休相笑  
松栢青葱即便踈

附陳廷敬作

莫向東風弔望諸黃金恩重讓新除頻年霄漢依經  
幄數紙龍鸞捧


御書師友平生夫子共文章當代幾人如春來崇政朝

朝會名迹相親應未踈

聞李雷州陷賊不屈二首

嶺南斜日戰雲埋  
盡說雷州太守來  
幸免鴟夷浮骨去  
并無馬革裹屍迴  
一身取義誠何悔  
百口同歸實可哀  
深憾竟稀血  
肩在不留殘  
祀慰泉臺

孤城援絕執奚支  
嚼齒如聞怒罵時  
人道鍾儀作囚鹵  
吾知南八是男兒  
生羈命已看同  
寄身在心還欲有  
為厲鬼從來能殺賊  
祝君速死不須疑



欽定四庫全書

詩書齋偶存稿

讀書齋偶存稿卷四